

道德真經集解卷之四 短八

後學董思靖集解

治人事天莫若嗇

嗇音色乃嗇省精神而有欲藏貞固之意
學者久於其道則心廣氣充而有以達乎

天德之全所謂至誠為能盡己之性而後
能盡人之性乃至與天地參矣蓋天人一
理了無間然孟氏云存心養性所以事天
是也

夫惟嗇是以早復早復謂之重積德

重去聲再也○文公曰早復者言能嗇則
不違而復重積德者言先已有所積復養
以嗇是又加積之也如修養者早覺未損
失而便嗇之也

重積德則無不克無不克則莫知其極

惟德可以勝物故已私盡克則其分量不
可窮極矣

莫知其極可以有國

德量如此則可以兼容天下矣
有國之母可以長久

民之附德猶子慕母蓋國之本在自身有
其道則可長久若以身為國則毋即雌一
之根抵而性命之常雖生死不能變故曰
長久

是謂深根固抵長生久視之道

抵丁計切○御註曰與天地為常故能長
生與日月參光故能久視○文定曰以嗇
治人則可以有國以嗇事天則深根固抵
古之聖人保其性命之常不以外耗內則
根深抵固而不可拔雖長生久視可也蓋
治人事天雖有內外之異而莫若嗇則一
也○程伊川曰修養之所以引年國祚之
所以祈天求命常人之至於聖賢皆工夫
到這裏則有此應矣

右五十九章 河上名守道此章明用
道治人則國祚延

治大國若烹小鮮

烹音庚切煮也鮮音仙魚也謂不可撓也
以道莅天下者其鬼不神非其鬼不神其神
不傷人非其神不傷人聖人亦不傷民夫兩

不相傷故德交歸焉

莅力至切臨也所感之機莫不由我是以
聖人無為而人各安其自然外無所求內
無所畏則陰陽和而萬物理故鬼亦無所
用其神非其鬼之不神其神不傷乎人非
神不傷人以其聖人不傷於民所以鬼神
莫不感其德化惟兩者交悅衆德交歸乃
為至德之治矣列子之論聖治至於物無
疵厲鬼無靈響亦此意也○文公曰若是
王道修明則此等不正之氣都消鑠了

右六十章 河上名居位此章
明用道則德交歸

大國者下流

如江海必處衆流之下也○文定曰天下
之歸大國猶衆水之趨下流也

天下之交天下之牝牝常以靜勝牡以靜為

下故大國以下小國則取小國小國以下大
國則取大國故或下以取或下而取

牝婢忍切釋畜母也牡音某畜父也大國
以下及或下以取之下音暇自上而下也
小國以下及或下而取之下如字上聲本

在物下也交謂交會而歸聚也此者雌靜
柔下之德杜者雄動強高之屬靜以攝動
柔之勝強事物皆然則靜而下乃常勝之
道故為衆之所歸即守雌為天下賂之義
也以取者大國能下則終取小國而兼有
之而取者小國能下則為大國所取悅而
客受之終則大國之民且樂歸之如西伯
善養老而盡歸乎耒之類○葉夢得曰取
之為言得其所欲之謂也○黃曰大國下
小國湯事葛也小國下大國句踐事吳也
大國不過欲兼畜人小國不過欲入事人兩
者各得其所欲故大者宜為下

其所以為下者不過欲畜人人事人耳初非
計利而後然也故欲兩者各遂其理事之
所安則大者宜能下使小者自歸之矣易
於大有之後必繼之以謙者乃所以全其
大也

右六十一章 河上名謙德此章明以
德下人入文歸之清源
子曰身則國之象也身之清源
至心之無而和氣歸所謂守雌抱一
則足陽下陰化為此陽
乃無為之妙也此亦一義

道者萬物之奧

奧於到切釋文云室之西南隅曰奧謂深
遠如堂奧也蓋道體混然其大無外萬物
莫不蘊於其中而資給焉其小無內亦莫
不皆在萬物之中而不可見故西昇經云

道深甚奧虛無之淵

善人之寶不善人之所保

人雖不善然亦莫不賴於道以有生故是
所保也○溫公曰善人守而用之不善人
亦依於有道以自安

美言可以市尊行可以加於人人之不善何
棄之有

行去聲蓋人莫不有是性雖下愚不能無
道心則道豈遠人哉故至美之言市人所
可共知至尊之行人人皆所與能苟或有

人朝為不義使夕聞大道則委盡性復雖
欲指其不善不可得也是又安可棄哉惟
善教之而已此不善人之所保也

故立天子置三公雖有拱璧以先駟馬不如
坐進此道

先悉薦切拱璧合拱之璧美玉之大者如

馬者四馬為乘共駕一車也古者朝聘有
贊幣之禮謂將進駟馬則以拱璧為先導
也雖天子三公以贊為貴拱璧駟馬以物
為貴亦不若安然坐進此道之為貴也道

乃人之所固有則良貴也而三公拱璧是
有命焉不可幸而致也人當致勉於性分
之所固有而於外物之儻來者何足貴哉
古之所以貴此道者何不曰求以得有罪可
以免邪故為天下貴

問所以貴此道之意蓋謂不求於外而求
之在我則是求而有益於得也夫有志於
道則無惡矣惟不假他求而自得故出乎
禍福之外又為有人災之所能及乎此所
以為天下貴或曰求以得則善人之寶有

罪可以免則不善人之所保也

右六十二章 河上名為道此章言
道為天下之至貴也

為無為事無事味無味大小多少報怨以德
夫涉於形則有大小係乎數則有多少大
小之辨多少之分此怨之所由起也惟道

非形數而上聖與之為一為出於無為事
出於無事而味乎無味故舍大虛於方寸
而不以纖芥私欲自累會萬有於一真而
不為高下外境所遷是以物各付物事各
付事而大小多少一以視之則愛惡妄除
聖凡情盡亦奚怨之可報哉惟德以容之
而已且使夫人之意也消譬如天地之無
不覆載而化育之也然此則在常人之所
最難惟切問近思漸而修之則亦可到其
地矣下文乃修以求至之方也

○圖難於其易為大於其細天下之難事必作
於易天下之大事必作於細

大道之在於起居食息之間而不遺可謂
易矣及其至也惟聖人為獨能可謂難矣
當思慮未發之中而漠然無朕可謂細矣
而其充周也雖天地莫能窮其量可謂大
矣故漸修而無一行之不謹及其德成則
與聖人而同能謹微而無一毫之不盡至
全乎道體則與天地而同量惟能慎於其
始而毋忽於其終則難者可以成大大者可

以全矣若以慈言之則人之慈亦莫不由
小以成大及乎慈愈深而志愈難苟能於
起處照徹根源則當下寂然矣
是以聖人終不為大故能成其大

學者固當弘毅以立其志然最不可先存
為大之心苟存是心則必有踴爭自矜之
患適所以障道是不能為乎無為事乎無
事味乎無味矣惟聖人為能無我故其心
常小所以能成其大

○夫輕諾必寡信多易必多難

惟其粗而不精故言之不訥而行必不符
忽易之心生其於道必難至矣

○是以聖人猶難之故終無難矣

聖人生知安行固不待勉而後能然豈忽
之乎哉蓋德量平等齊小大一多少無所
不謹無所不難故終無難濟之事此又
致勉乎學者不可有一毫忽易之心則為
之勇守之固慎終始如始故亦無難矣

右六十三章河上名息始此章明聖人得道之大全也

其安易持其未兆易謀其脆易泮其微易散

為之於未有治之於未亂

脆此尚切脆嫩易斷貌謂嗜欲未堅也泮
冰釋貌此亦承上章之意謂存之於未萌
之時則渾乎自然矣故曰易持易謀察之
於始萌之際則不遠而復矣故曰易泮易
散未有乃無思無為之時也未亂乃方行
而未汨之時也為之治之於此時則無所
用力而功成矣然理由頓悟乘悟頓消行
非頓成漸修乃至故下文則養德之事也
合抱之木生於毫末九層之臺起於累土千
里之行始於足下

此設論之辭也謂當志立乎事物之表而
敬行乎事物之內致知力行趨實務本不
遺於細微不忽於卑近修以縝密養以悠
久則庶乎小者可以大下者可以高而遠
者可以到矣然於此苟有一毫謀利計功
之心先入則於道反為無補故下又歷陳
之也

為者敗之執者失之是以無為故無敗無執
故無失民之從事常於幾成而敗之慎終如

始則無敗事矣

幾千聲蓋天理精微智力之私無與焉故用意者有為少懈者敗事惟守之以自然則真積力久而德自成矣

是以聖人欲不欲不貴難得之貨學不學復

衆人之所過以輔萬物之自然而不敢為

夫道無欲也所謂欲者求其在我而已不欲外物之為貴也無為真學也不以博瀾

心之為學也但反其衆人情欲之過以復其初耳蓋此道初非外求而聖人亦不能

為物作則也且夫萬物莫不有箇自然之道聖人惟順其性命之理而立教以左右

之使適乎中而已不敢別有益生助長之為也

右六十四章河上名守微此音贊聖人無為之學以於有為

古之善為道者非以明民將以愚之

民可使由之不可使知之蓋不先天以開人反朴之謂愚

民之難治以其智多故以智治國國之賊不

始則無敗事矣

幾千聲蓋天理精微智力之私無與焉故

用意者有為少懈者敗事惟守之以自然

則真積力久而德自成矣

是以聖人欲不欲不貴難得之貨學不學復

衆人之所過以輔萬物之自然而不敢為

夫道無欲也所謂欲者求其在我而已不

欲外物之為貴也無為真學也不以博瀾

心之為學也但反其衆人情欲之過以復

其初耳蓋此道初非外求而聖人亦不能

以智治國國之福知此兩者亦措式

兩者謂用智與不用智也知乎此亦可以為措法式矣

能知措式是謂玄德玄德深矣遠矣與物反

矣然後乃至大順

人能知此其德可謂玄矣雖以小智近情

察之若相反然然反於物乃順於道則其

為順也大矣

右六十五章河上名謙德此章明用之必至其有善惡之心乎

江海所以能為百谷王者以其善下之故能

為百谷王是以聖人欲上入以其言下之欲

先入以其身後之是以處上而人不重處前

而人不害是以天下樂推而不厭以其不爭

故天下莫與之爭

善下言下之下音照樂音洛○御註曰屯

初九日以貴下賤大得民也蓋得其心也

處上而人不重則然之也惟處前而人不

害則利之者衆若是則無思不服故不厭

也○聖人隨時趨變以道豈計利哉亦德

之謙而已矣德下之則形上矣德後之則

形先矣揚雄曰自下者人高之自後者人

先之故天下樂推戴而無厭歎之心此天

道不爭之德也

右六十六章河上名後己此章明善下不爭之德

天下皆謂我道大似不肖夫惟大故似不肖

若肖久矣其細也夫

夫音扶若有所肖似則亦同於一物何足

以為大○西塘鄭俠曰道大而物小人之

營營而卒乎小者累於物也元者善之長

而至於大之謂也至而不知其為大則同

乎道而與世俗不相似故天下皆謂我道

大似不肖

我有三寶寶而持之一曰慈二曰儉三曰不

敢為天下先夫慈故能勇

仁者必有勇也

儉故能廣

守約而施博也

不敢為天下先故能成器長

長上聲後其身而身先故卒為有物之長

乾之出庶物亦必曰見羣龍元首吉是三寶皆與世俗不肯似乃所以為大也今捨其慈且勇捨其倫且廣捨其後且先死矣

捨其本而徇其末則易以窮故剛彊誇大好進者皆死之徒也

夫慈以戰則勝以守則固天將救之以慈衛之

夫慈者生道之所以流行乃仁之用也故為三寶之首稱以慈御物物亦愛之如慕

父母雖為之効死不辭是以戰則勝守則固故曰仁者無敵於天下也苟或人有所不及天亦將以慈而救衛之蓋出乎爾反乎爾而天道好還常與善人故也○文簡

曰去邪而收周以興是其救也

右六十七章河上名三寶此章明道體至大而用以慈

善為士者不武不尚力也

善戰者不怒不得已而戰非出於人欲之私

善勝敵者不爭

惟無爭之心故能勝彼之爭貪先動者必敗

善用人者為之下

德之謙下則人樂與吾為用蓋心誠而願服其勞也

是謂不爭之德是謂用人之力是謂配天古之極

惟其不爭而為下則去智與故循天之理乃與天同德○溫公曰德與天合自生民以來無以加也

右六十八章河上名配天此章標四善以表合天之德

用兵有言吾不敢為主而為客不敢進寸而退尺是謂行無行據無臂仍無敵執無兵

行上如字下戶剛切○文定曰進事曰主應敵曰客進者有意於爭退者無意於爭

惟無意於爭則雖用兵與不用均也故難進而易退雖在軍旅之間如無行陣之可行無臂可據無敵可因無兵可執而亦安有用兵之咎哉

禍莫大於輕敵輕敵則義喪吾實故抗兵相加哀者勝矣

義平聲喪去聲失也抗舉也○文定曰既以慈為實故輕敵則輕戰輕戰則殺人是喪其所慈矣兩敵舉兵相加而吾出於不得已則有哀感殺傷之心哀心見而天

助之雖欲不勝不可得矣

右六十九章河上名玄用此章敘用慈也或云若以人身言之則即念多於敵國利欲勝於身每盡亦寡欲以至於無欲以全其所實乎

吾言甚易知甚易行而天下莫能知莫能行性本固有人所同然指此示人宜若無難知難行之事然天理渾然苟差之一毫則謬以千里以其非計度之所能明故用意者過之忘懷者不及所以莫能知其非

步驟之所能至故遼近功者好捷徑力不足者廢半途所以莫能行

言有宗事有君

言者道之論事者道之迹不言之教事於無事乃其宗與君乎此沉言滯迹者之所

言者道之論事者道之迹不言之教事於無事乃其宗與君乎此沉言滯迹者之所

言者道之論事者道之迹不言之教事於無事乃其宗與君乎此沉言滯迹者之所

5-56 v. 7(2)

以莫能知莫能行也

夫惟無知是以不吾知也

文定曰古之聖人無思無為而有渙然不自知者存焉此則思慮之所不及是以終莫吾知也

知我者希則我貴矣

溫公曰道大故知之者鮮

是以聖人被褐懷玉

御註曰聖人處于天而不自銜幣○清源子曰彼褐則和光同塵懷玉則抱道蘊德

文簡曰褐者日用之不可無舉世之所共也玉者至貴之貨我所獨有也知我者希

固足以見吾道之上矣而聖人不以自異也故其聖而不可知之妙亦何嘗不願諸日用共由之間蓋以期乎人之皆能也此

孔子所謂吾無隱乎爾者也

右七十章河上名知難此章明道至易知易行而處之則至難

知不知上矣不知知病矣

惟其真知則與道為一故不滯於知此德之上也若夫不到真知之地而自已謂之

知則必以文滅質以博溺心欲強知之乃

德之病也

夫惟病病是以不病聖人之不病以其病病是以不病

夫惟知其病之為病是以不落於病也聖

人則生而知之本自不病不待病其病然後至不病之地所謂以其病病者乃以其

病病之藥示乎學者使之病其強知之病而了悟真知以遠其病則藥病齊祛能所俱泯始知從來元自不病則與聖人同矣

右七十一章河上名知病此章謂其知則其理既達則成病民不畏威則大威至矣

夫人自有至大至剛者充塞乎天地實高明光大赫然物莫能加此所謂大威也惟人括於形器之私漏於衆妄之迷畏生死

憚得喪於是萬物之威雜然乘之故終身

惴惴有是大威而不自知也苟誠知之一

生无齊得喪勇往直前行不顧則此大成燁然見前矣

無挾其所居無厭其所生夫惟不厭是以不

厭

狹胡夫切隘也厭於艷切棄也無當作毋

居者性之地居天下之廣居則與太虛同其體矣生者氣之聚舍太一之至精則與造化同其用矣惟曲士不可以語道苟不

顯於小術而實諸所無以自狹其居則必

垂有著無而蔽於斷滅以厭其所生矣是以告之以無狹無厭使學者知夫性者氣

之帥而其大無量當擴而充之以全其大生者道之寓而其用不窮當葆而養之以

致其用則養氣全生盡性至命而不生厭業之心所以體無非強無而非頑也長

生非貪生而生非礙也夫如是則生與道居而道亦未嘗厭棄於人矣

取此

見賢過切顯也去上聲自知則透照無畏

而不狹其居自愛則絕外嗜欲而不厭其生惟自知自愛所以居之安也而自見

以矜能不自貴以賤物故無知之見忘

愛之心也○文定曰雖自知之而不自見以示人雖自愛之而不自貴以眩人蓋恐人之有厭有慕也此心未忘則猶有畏也畏去而後大威至矣是以去彼自見自貴者而取此自知自愛者然聖人動靜皆天理無去取此開教引凡之說也

右七十二章河上名愛己此章杜安或以全其也

勇於敵則殺勇於不敢則活此兩者或利或害天之所惡孰知其故是以聖人猶難之

○惡去聲剛強者死之徒勇於此則殺也害也柔弱者生之理勇於此則活也利也此乃必然之定理也或有時而返常故云或利或害然彊梁者殺之徒實為天之所惡也今偶然而未受其禍孰能知其故哉是以聖人猶難之列于曰迎天意揣利害不如其已也雖然要其終而盡其變則未始少失故下文歷陳之○溫公曰聖人於天道亦不敢易言之

天之道不爭而善勝
溫公曰任物自然而物莫能違

不言而善應

天何言哉四時行焉其於福善禍淫之應信不差矣

不召而自來

神之格思本無何肯如暑性則寒未夫豈待召而後至哉第八

坦然而善謀

御註曰德行常易以知險

天網恢恢疎而不失

蓋要終盡變然後知其雖廣大而微細不遺也夫或作漏

右七十三章河上名任為此章皆人當勇於道不當勇於力

○繼明天道之自然而末又或以天網之不漏使人信之無疑也

民常不畏死奈何以死懼之若使民常畏死而為奇者吾得執而殺之執敵

文定曰致煩刑重則民無所措其手足故常不畏死雖以死懼之無益也苟民安於政則常樂生畏死或有詭異亂羣者吾然後執而殺之執敵不服哉

常有司殺者殺而代司殺者殺是代大匠斲

夫代大匠斲希有不傷其手矣

文定曰司殺者天也理也方世之治而詭奇亂羣之人恣行於其間則天之所棄也因而殺之則是天殺之非我也否則代司殺者殺矣夫代大匠斲則傷其手代司殺者殺則及其身矣○程伊川謂德未成而先以功業為事者有類乎是

右七十四章河上名制或此章謂君無為則民知自勸之方

○右史張未曰夫物不思無殺之者萬物以死必歸於滅盡而後止則常有司殺者殺矣爾司殺之常理而移之以行其殺非徒不足以懼物而亦有所不及者然則操政則死生之禍舉一世之民使從之殆非也

民之飢以其上食稅之多也是以飢民之難治以其上之有為也是以難治

御註曰賦重則民不足政煩則姦偽滋起人之輕死以其生之厚也是以輕死

御註曰矜生太厚則欲利甚動放僻邪侈無不為矣○文定曰上以利欲先民亦爭厚其生雖死而求利不厭

惟無以生為者是賢於貴生也

溫公曰外其身而身存也

右七十五章 河上名貪損此章或可為之非惟忘其生則可此章說老子所作

人之生也柔弱其死也堅彊草木之生也柔脆其死也枯槁故堅彊者死之徒柔弱者生之徒

大定曰冲氣在馬則體無堅彊之病至理存焉則事無堅彊之累矣

是以兵彊則不勝木彊則共故堅彊居下柔弱處上

共如字謂人共伐之也列子云兵彊則滅

木彊則折是矣夫物之精者常在上而粗者常在下其精必柔其粗必彊理勢然也

而天下亦未有剛彊而能居人上者莊子曰以懦弱謙下為表是也○達真子曰善勝敵者不爭皆意不在於彊也木之彊大則人必共伐之兵以柔弱致其勝木以柔弱致其存是以堅彊可居其下而柔弱可處其上也人之立性固不異此

右七十六章 河上名戒慎此章言用柔弱可以保中和之氣

天之道其猶張弓乎高者抑之下者舉之有

餘者損之不足者補之天之道損有餘補不足人之道則不然損不足以奉有餘

天道無私常通乎中故滿招損謙受益時乃天道○葉夢得曰張弓者挽之而後發是亦斂之於己而後施之於物者也以平

正為主調和為常故與天道同此其高下抑揚有餘不足無不中其節者其取之不在外也蓋出於自然故無私而均人則反是而不求於內是以每損人之不足以奉己之有餘蓋出於使然故多私而不均○

關元註引損上益下為益損下益上為損二卦之義亦明

孰能損有餘而奉不足於天下者其惟道乎是以聖人為而不恃功成不居其不欲見賢邪

惟有道者為能為天之所為亦不恃其為不居其功若使為而恃功而居則賢見於世矣賢見於世則是以有餘自奉也

右七十七章 河上名天道此章明道之用中正而無私惟觀天之道知之而聖人則與之同也

天下莫柔弱於水而攻堅彊莫之能勝以其無以易之也

以其善下柔弱之性不易故不失已而能勝物

柔之勝剛弱之勝彊天下莫不知而莫之能行

觀水可喻則事近而理明豈難知哉惟信道不篤所以莫能行

是以聖人言受國之垢是為社稷主受國之不祥是為天下王

溫公曰舍垢納汙乃能成其大正言若反

正言合道若反於俗蓋反於小智之近情乃合於大道之至正

右七十八章 河上名任信此章言柔弱能容則為物所歸也

和天怨必有餘怨安可以為善

夫怨生於妄覺妄即真怨亦何有今不治其本而欲和其末則外雖和而內未忘是有餘怨也豈足為善哉若徹見根本則真妄寂然矣

是以聖人執左契而不責於人

夫契有左右所以為信而息爭聖人與人均有是性人惟執委馳騁於爭奪之場故或於大怨而迷其本曾不知真性之無妄也是以聖人惟抱此本然之正性雖不求悟於人而人感其化及于委盡怨釋亦莫不靡然自得以還其固有之善而合於正矣亦如右契之合左豈待責之手哉左契者猶言性之先覺也○清源子曰古者結繩而治破木以為契君執其左臣執其右

契來則合所以取信故有德司契無德司徹

有德者不言而信乃無為而民自化猶執契也徹者通也彼無德者乃欲人人而通之故汲汲於和怨也

天道無親常與善人

清源子曰契之無私亦猶是也惟合者得之○黃曰然為善者非特無求於人亦無求於天惟任其自至而已

右七十九章 河上名任契此章明息妄在於復性皆無為之

小國寡民使民有什伯之器而不用也

人稀務簡君無事於尚賢而民各安其性分之天使有林器堪為什伯夫之長者亦不求用於世矣蓋常文勝俗弊之時人好自用而夸大於外故舉此以諭太古之治而勸之以務內之學也

使民重死而不遠徙
雖有舟輿無所乘之雖有甲兵無所陳之使民復結繩而用之

不競利不紛爭故復結繩可也
甘其食美其服安其俗樂其業

內足而外無所慕也惟樂於內則無入而不自得故雖既惡隘陋亦自以為甘美安樂蓋其樂以道不以物也
鄰國相望雞犬之聲相聞民至老死而不相往來

望音亡與冠蓋相望義同惟無欲無求故如此

信言不美美言不信

信則為實而合道故不必美美則為觀以悅人故未必信
善者不辯辯者不善

右八十章 河上名獨立此章明安性分則無所企求
文定曰以善為主則不求辯以辯為主則未必善也

知者不博
一以貫之何事於博

博者不知
溺於博者未必知道
聖人無積既以為人已愈有既以與人已愈多

為子偽切助也聖人當體即一一亦不立何積之有蓋無藏於中無交於物泊然純素無私而已故施其德以為人而我未嘗貴推其道以與人而一無盡也○曹曰體虛而善應

天之道利而不害聖人之道為而不爭
文定曰勢可以利人則可以害人矣力足

以為之則足以爭之矣能利能害而未嘗
害能為能爭而未嘗爭此聖人與天為徒
所以大過人而為萬物宗者也

右八十一章 河上名顯贊自三十八
章至此經二篇通明道德之音皆立
下篇可名為設教之宗元次據上極

下德述因時之流此章寄信笑以
彰言教論善辨以戒修德行述知博以
示遠悟陳無積以教古達假有多以
德法性合天道以論聖人欲使學者
造精微於埋性之中忘基跡於言象
之表故能悟教而忘教以是於焉此
蓋教跡者
之大旨也

道德真經集解卷之四

六爻重而大易之全體微三傳作而春秋
之初意泯河上公分章定句而老子混成
之道散夫道不可言聖人欲發人之覆使
知天地之大全無言而不可得也是經詣
道之大遠學者即此而求自知歸矣迨河
上公諸人參錯已見註脚紛然或者始有
多歧亡羊之嘆圭山之集註豈非欲覺冥
途於晦蝕之中方執墜人之見而問吾故
廬者耶使其由是而之可直參老子混成
之旨矣余嘉其用志勤立言正而贊一註
脚云寶祐丁丑蒲節天台謝真跋

老子欲人求是通於天地萬物之始蓋道
一也而隨人所指有不同數一也在人所
用有不同其不同者固不可以強同也至
其見素抱朴少私寡欲以治心戴營魄抱
一綿綿若存以治身以重為輕根以靜為
動根不矜不伐不爭以應物無為無欲去
泰去甚以治國家天下雖聖人不能違也
是以谷神玄牝程子取焉養氣之說朱子
取焉吾黨其可輕議之哉圭山董道士所
註老子道德經集古今諸家之善以發明
宗旨雖修煉家自附於老子者本末先後
亦有辨焉其用工深而有助於老子之教
多矣覽者毋忽寶祐丁巳年夏前愚平假
守黃必昌京甫序